

Uunga

allannguutissatut siunnersuut

**Uunga siunnersuut: Kalaallit Nunaata imartaani akisussaaffeqarfiusumi  
inuussutissarsiornikkut ingerlataqartarneq pillugu Inatsisartut inatsisaat nr. xx, yy 2015-  
imeersoq**

Aappassaaneernissaanut Naalakkersuisunit saqqummiussa

Qulequtaanut

1. Qulequtaa imatut allanneqassaaq:

**”Uunga siunnersuut: Kalaallit Nunaata imartaani akisussaaffeqarfiusumi  
inuussutissarsiornikkut ingerlataqartarneq pillugu Inatsisartut inatsisaat nr. xx, yy 2016-  
imeersoq”**

§ 2-mut

2. § 2, imm. 3-p kingorna nutaatut immikkoortoq inissinneqassaaq:

” Imm. 4. § 1-imi aamma § 2, imm. 1-3-mi nassuiaatit pissutsillu pillugit Naalakkersuisut  
erseqqinnerusunik aalajangersakkanik aalajangersaasinnaapput, ilanngullugu inatsisip  
atorneqarfissaata killilersugaanerani.”

§ 4-mut

3. § 4, imm. 4 imatut allanneqassaaq:

” Imm. 4. VSB-p suliarineqarnera, kiisalu VSB-mik nassuiaasiernerit akuersissutiginerilu,  
ilanngullugit VSB-mut atugarisassatut atortussiat pissarsiarineqartussat pillugit Naalakkersuisut  
malittarisassianik erseqqinnerusunik aalajangersaasinnaapput.”

§ 9-mut

4. § 9 imatut allanneqassaaq:

” § 9. Inatsisartut inatsisaat ulloq 1. juli 2016 atuutilerpoq.”

Allannguutissatut siunnersuummut nassuiaatit

**Nassuiaatit nalinginnaasut**

Uunga siunnersuut: Kalaallit Nunaata imartaani akisussaaffeqarfiusumi inuussutissarsiornikkut ingerlataqartarneq pillugu Inatsisartut inatsisaat nr. xx, yy 2015-imeersoq UKA2015-imi siullermeersumik oqaluuserineqarpoq, kingornatigullu UPA2016-imut kinguartinneqarluni. Tamatuma kinguneraa atuutsitsilernissamut aalajangersakkamik allannguuteqartoqartariaqarnera.

Saniatigut inuiaqatigiinni piujuartitsineq pillugu nalilersuinnermut (VSB-mut), kiisalu tamanna pillugu nalunaarusiornermut tunngatillugu erseqqinnerusunik aalajangersakkanik aalajangiisinnaanermut allannguutissatut siunnersuut najoqqutassiivoq.

Kiisalu allannguutissatut siunnersuut nalunaarummik, oqariaatsimik „piffissami sivisujaami“-mik erseqqissaasinnaasumik saqqummiussaqaarnissamut najoqqutassiivoq. Isumaliutissiisummi Inuussutissarsiornermut Ataatsimiititaliap inassutigisaanut naapertuuttumik.

Allannguutissatut siunnersuut aningaasaqarnikkut kingunerisassartaqanngilaq.

### **Allanngutissatut siunnersuummi aalajangersakkanut ataasiakkaanut nassuiaatit**

Nr. 1-imut

Allannguut taagutaanik teknikkikkut naqqiutaavoq.

Nr. 2-mut

Oqariaatsimik ”piffissami sivisujaami“-k erseqqissaasinnaasumik Naalakkersuisut nalunaarummik saqqummiussinissaannut pisussaaffimmik allannguutissatut siunnersuut tunniussivoq. Isumaliutissiisummi Inuussutissarsiornermut Ataatsimiititaliap inassutigisaanut naapertuuttumik.

Nr. 3-mut

Inuiaqatigiinni piujuartitsineq pillugu nalilersuinnermik (VSB-mik), kiisalu tamanna pillugu nalunaarusiornermut tunngatillugit erseqqinnerusunik aalajangersakkanik aalajangersaanissamut najoqqutassiisummik allannguutissatut siunnersuut erseqqissaavoq. Isumaliutissiisummi Inuussutissarsiornermut Ataatsimiititaliap inassutigisaanut naapertuuppoq.

Nr. 4-mut

Siunnersuutip UPA2016-imut kinguartinneranik allannguutissatut siunnersuut kingunerisaavoq.